

23604 弊害未深。故爾玩忽優游。相忘於不覺。且國基初定。擾亂頻仍。對內補苴之不暇。尙無以文明與列強頡頏之餘力。亦未達以文明與世界接觸之時期也。然中國豈長此受人陵侮而偷安視息已乎。三五年後。內治稍寧。勢不能不力求進行。出而爲國際間之爭競。相形見絀。會有其時。與其見絀於將來。何如預

籌於此日。則夫所以發展物質之勢力。促進精神之作用。以爲文明競爭之準備者。誠切要而不容稍緩者矣。諺曰。見兔而顧犬。猶未爲晚。願吾人知吾國文明弱點之所在。急起而爲顧犬之計也。

西康建省談

(參觀卷首西康全圖)

高勞

傅君嵩焘。以辦理邊務。居康六年。於西康情形。知之最稔。前清宣統辛亥。代理邊務大臣。曾建議以西康改設行省。民國成立。復著西康建省記三卷。四川都督胡君景伊。爲之刊行。書中於西康地理歷史物產風俗。及設立邊務大臣後之規畫。敘述甚詳。而於應設行省之理由。則尤持之有故。言之成理。今者藏邊之風雲正亟。言國防者不可不於此加之意也。因屬詞比事。輯爲是篇。

(一) 西康疆域及其地理上政治上之歷史

西康者。古康藏衛之一也。介川藏之間。康之外爲藏。藏之前後兩藏而言。卽唐古忒是也。藏之外爲衛。番人遺書。謂唐以文成公主下嫁大番神聖贊普。其後中國恐外人侵略其地。乃收

印度東北邊地。爲之拱衛。故名爲衛。今衛已亡。所有者康與藏而已。西康疆域。東自四川打箭鑪之折多山頂起。西至與藏交界之丹達山止。南與雲南之維西中甸兩廳接壤。北踰俄洛色達野番與甘肅交界。其西南隅過雜瑜。外經野番境數日。卽英國屬地。(清宣統三年春。英人踰野番境。在壓壁曲隴樹旗。是年夏。英武員貝爾立。由雜瑜取道野番境回國。均經邊務大臣電政府。與英交涉在案。)西北隅毗連西寧。東南隅爲四川寧遠府屬境。東北隅乃四川甘肅之交。幅員遼闊。倍於川。等諸藏。行程東西凡三千餘里。南北約四千里。爲西藏廓爾喀朝貢之大道。駐藏大臣出入之通衢。歷代不知經營。地歸土司管理者十之五。昇於呼圖克圖者十之一。流爲野番者十之三。賞給西藏者十之一。前清光緒三十一年乙巳春。駐藏幫辦大臣風全。

於巴塘開辦墾務。番人迷信。出而阻撓。風不聽。於是七村百姓羣起騷亂。鳳全被戕。川督乃奏派馬維祺趙爾豐督兵攻勦。六月克復巴塘。趙爾豐留辦善後。三十二年丙午秋。設督辦川滇邊務大臣。以趙爾豐充任。所謂川滇邊地者。卽西康域內之地也。惟西康疆域。應以折多山頂起。而此則凡打箭鑪地方。均屬諸邊地耳。自是而後。次第將土司呼圖克圖之地。改土歸流。野番之地。征討投誠。賞藏之地。亦先後收回。而西康疆域。於焉底定。

康藏衛之區別。國人鮮有知者。一出鑪關。卽謂進藏。實則鑪關以西。丹達山以東。乃康地也。康與藏以丹達山爲界。今之番人。居丹達山以東者。自稱康墻娃。居丹達山以西者。自稱藏墻娃。出洋大臣胡惟德。將外人測繪西藏輿圖。繙譯刻印。圖中亦以丹達山爲康藏交界。西藏有某喇嘛。謂康藏衛乃漢人稱番地之名。彼中故老相傳。漢人以丹達山以東爲康。以西爲藏。據此觀之。則吾國曩昔。於康藏疆界。固自分明。迨其後傳誌沿訛。轉不如康藏人及外人之明瞭。近又有以寧靜山爲邊藏交界者。詎知寧靜山乃巴塘江卡之界。前清以江卡賞藏人。江卡之外。如乍丫察木多八宿等處。尙非藏地。烏得以寧靜山爲藏界耶。

23605
打箭鑪爲古旄牛國。漢武帝建元時。開西南夷。於南夷置犍爲郡。邛笮（西夷兩國）君長。聞南夷得賞賜多。欲請吏。上乃拜司馬相如爲中郎將。持節往使。西夷皆請爲內臣。以笮都

爲沈黎郡。兼置旄牛縣。今四川清溪縣。爲古黎郡所屬。是清溪越嶲一帶。皆爲笮也。又今魚通有邛笮之名。是魚通卽古之邛都。魚通部落廣大。今惟一小部落襲其名稱。然在曩時。則明正冷邊沈邊哨里。皆在魚通域內。魚通內屬。而明正爲四川長河西寧通魚宣慰使司。則巴底巴旺單東卓斯章谷瞻對東科魚科各部。必同時內屬可知。而秦嶺原爲明正撥出之地。更無論矣。巴塘爲古之白狼國。後漢明帝永平中。益州刺史朱輔。宣示漢德。威懷遠夷。白狼槃木唐菆等百餘國。舉踵奉貢。和帝永元十二年。旄牛徵外白狼獯薄蠻夷內屬。而裏塘在巴塘之東。距旄牛徵近。其同巴塘內屬無疑。卽謂裏塘屬青海。未與巴塘同時內屬。而唐開元天寶之際。以兵戍青海。青海既內屬。則裏塘可知。江卡貢覺之爲蒙古族屬青海者。亦與焉矣。德格土地廣漠。其土司係宣慰司職。相傳已四十七代。是其內屬。已多歷年所。德格內屬。則其附屬之小部落。如白利孔撒麻書靈惹納奪高日春科。當必同時歸化。三十九族皆屬青海。必與青海同時內附。此外如乍丫察木多八宿類伍齊四部落。原以僧爲汗。清康熙五十八年。頒給四呼圖克圖印信。至洛隆宗碩搬多邊壩三部落。原屬康地。康熙間爲進噶爾佔據。嗣由清兵收回。雍正四年。以類洛碩賞達賴喇嘛。惟邊壩一隅。先被藏人陰謀占去。此七部落。何時內附。無可確查。前清時代。固由中國管轄或以賞藏者。他如羅科俄洛色達三巖波密諸野番部落。雖不臣不叛。尙未歸服。然其地方固在西康境域之內。而自設

23606 邊務大臣後。業已次第投誠。此西康全境各部落先後內屬之大概也。

西康之山。蜿蜒起伏。遍佈全境。其終年積雪人跡不能到者。山雖高而無名。統名之曰雪山。人跡所通之處。山上有道路者。番人名之曰拉。無道路者。名之曰熱。在川藏通衢中。沿途大山。與四川交界者。曰折多山。自此西行。則有高日山、博浪工山、三壩山、大湖山、寧靜山、昂地山、王卡山、恩達山、瓦合山。至與西藏交界處。則爲丹達山。此數山者。夏天陰則雪。秋冬及春時。或大雪封山。不能行路。此指大道所經之山而言也。小路如甘孜赴德格之濯拉。德格赴昌都之熱堙。巴塘赴鹽井之覺隴。白玉赴德格之恩作拉。登科赴石渠之恩科。亦高而積雪。此外山嶺尚多。不能悉數。河流分三大支。一爲鴉龍江。發源於青海與德格土司屬地之雜渠卡。卽今之石渠縣地方。乃數水相合。在石渠尙可塞裳而涉。下流四五十里。有俄洛野番之小水來合。可以乘桴。流五百餘里至甘孜。經贍對。至河口。下流千餘里入四川。二爲金沙江。發源於青海。入石渠境。過登科府。至德格之崗沱。有小水合之。經三巖。過巴塘。至得榮。繞雲南境入四川敘州府。合川江。三爲瀾滄江。在察木多係兩水相合。流至鹽井。波濤洶湧。水勢湍急。下由雲南境入緬甸。此外如道塢河。裏塘河。江卡以西之徑達河。乍丫河。昌都以西之嘉裕橋河。番人皆稱曰楚。如巴塘小河。則曰巴楚。其土地分耕地牧地之兩種。番人稱耕地曰絨壩。牧地曰牛廠。大抵

耕地少而牧地多。此西康山脈河流土地之概略也。

西康僻陋在夷。其各部落或歸土司治理。或歸呼圖克圖管轄。政府但以羈縻之術。官其酋長而已。他非所問也。此外復有數部落。前清以之賞給藏人者。又有屬諸野番。不臣不叛。與政府毫無聯絡者。土司有宣慰司宣撫司安撫司長官司之分。隸諸兵部。承襲之時。由兵部發給號紙。其有不職。督撫例得題參之。番人對於土司。統稱之曰人不齊。乃尊大無比之意。土司之屬官。其總理者曰囊資。此外有名鼓操者。有名業巴者。各四人。皆其內官。分管糧稅控訴等事。其管理地方之外官。或名協厥。或名惡巴。或名墨色。或名學巴。各處不同。漢人統名之曰頭人。番人則稱之曰本。本卽官也。番人稱漢官亦曰剖本。呼圖克圖者。番人稱之曰佛都督。亦曰人不齊。其屬官之爲總理者曰倉儲巴。餘官與土司所屬者大同小異。其臨時派往他處辦事之官。與以全權者。名曰替身。西康戶口不滿十萬家。各土司及呼圖克圖之部落。其徵收糧稅。均無定章。徵數亦多寡不一。大抵耕地栽種一斗。年產十數斗者。徵糧數升。若土司呼圖克圖之公地。有與民地相連者。則免民地之糧。令備子種。代耕公地。其徵糧雖輕。而徵銀則較糧重一二倍。每年徵糧之外。若有婚嫁兵事。則另派百姓納銀。一年數事。則派數次。一二年無事。則以三年朝貢之事派之。而徵糧係頭人經手。正糧一斗。頭人加徵一升半升不等。於牧場則徵馬牛羊。或牛羊肉。或酥油。其派銀仍與耕地同。差徭之重。爲內地所未有。

凡土司呼圖克圖所屬之百姓。除輸納糧稅外。有馬差牛差步差之分。無論遠近。皆須輪流前往聽差。土司及大小頭人土兵等。有事出外或遊玩。均用支差牛馬。即其自養之牛馬羊。亦令百姓供給草料。而房屋之修造。柴水之支應。無不責百姓輪流工作。凡聽差及工作。均須自備牛馬口糧。稍不遂意。責罰隨之。番人之刑極爲殘酷。有罰金鞭笞禁錮刳目割鼻刺手刳足投河剝皮等。惟無大辟耳。然擒捕盜賊。仍有槍斃斬首之事。刑具有皮鞭黑屋鐵鍊鐵刀等項。其刑之輕重。皆由土司呼圖克圖頭人等任意爲之。無規定之刑律也。

西康東西行程凡三千數百里。南北行程約四千里。而東西行程由折多山頂至察木多之一段。又分爲兩路。茲分列之如左。

(一)由西康東西行程之大道

打箭鑪(五十里至)折多塘(三十里至)山腰(二十里至)折多山頂(十五里至)提茹(三十里至)安良壩(三十里至)營官寨(三十里至)東洛俄(二十里至)山根子(六十里至)臥龍石(五十里至)八角樓(五十里至)河口縣(五十里至)麻格仲(四十五里至)剪子壩(十里至)博浪工(三十里至)西俄落(五十里至)咱馬拉洞(二十里至)千把頂(三十里至)火竹卡(三十里至)腰卡子(二十里至)裏塘(二十里至)大橋(三十里至)頭塘(三十里至)乾灣子(四十里至)拉耳塘(二十里至)喇嘛丫(四十里至)麥甘多(二十里至)二郎灣(六十里至)三壩(五十里至)松林口(三十里至)大鎖塘(八十里至)奔察木(三十里至)小巴冲

(四十里至)巴塘(四十里至)牛古渡(五十里至)竹巴隴(四十里至)公拉(四十里至)空子頂(五十里至)莽嶺(又名巴木塘六十里至)南嶺(四十里至)古樹(四十里至)普拉(六十里至)江卡(五十里至)山根(七十里至)梨樹(五十里至)阿拉塘(五十里至)石板溝(七十里至)阿足(五十里至)噶耳塘(五十里至)洛加宗(四十里至)俄倫多(四十里至)乍丫(三十里至)雨撒(六十里至)昂地(三十里至)噶卡(六十里至)王卡(二十里至)三道橋(三十里至)巴貢(八十里至)包墩(六十里至)猛堡(五十里至)察木多(又名昌都四十里至)俄落橋(三十里至)浪蕩溝(二十里至)裏脚(七十里至)拉貢(二十里至)松羅橋(四十里至)恩達寨(二十里至)恩達塘(二十里至)拉貢山(二十里至)牛糞溝(六十里至)瓦合塘(二十里至)瓦合寨(四十里至)麻利(四十里至)嘉裕橋(三十里至)鼻奔山根(四十里至)洛隆宗(六十里至)鐵凹塘(十五里至)曲齒(四十里至)碩撒多(四十里至)忠義溝(四十里至)巴里郎(五十里至)索馬郎(四十里至)拉子(又名拉孜或衲子四十里至)邊壩(五十里至)丹達(十五里至)魯貢拉

(按)康東應以折多山頂爲界。惟近今規畫。以打箭鑪屬諸邊務。故始由打箭鑪起算。計由打箭鑪巴塘至丹達山。共三百五十里。牛古渡有一小路可至乍丫。由牛古渡經喜松上、雍西、支巴、孔衢達、孔撒、貢覺、菊麥。以達乍丫。計五百四十里。而取道江卡。則五百八十里也。

(二)西康東西行程之小路(由打箭鑪至折多山、由察木多至魯貢拉、均與大道同)

折多山(七十里至)長壩春(五十里至)中谷(又名仲惡一作縱鄂五十里至)八美(五十里至)結色中(五十里至)松林口(五十里至)札巴(又名夾壩四十里至)道壩(四十里至)將軍橋(六十里至)仁達溝(六十里至)窪絨(四十里至)章谷(五十里至)當科(五十里至)倥倭(六十里至)普玉龍(四十里至)甘孜(四十里至)白利(二十五里至)林葱(二十五里至)絨壩擦(六十里至)浪多(五十里至)玉龍(六十里至)墨卡(六十里至)山根子(又名乾海子八十里至)蠻瞻統(五十里至)擴絡梁(又名窟窿洞四十里至)大馬洞(三十里至)德格(三十里至)龔壩(四十里至)岡拖(五十里至)艾壩(五十里至)絨松(四十里至)花坭(四十里至)仰大(三十里至)打紫(三十里至)卡工(五十里至)納奪(七十里至)覺雍(五十里至)白里(四十里至)拖巴(三十里至)額拖卡(四十里至)熱壩(四十里至)麻柳坪(四十里至)察木多

(三)西康南北行路

碧油工(康滇交界之處一百二十里至)鹽井縣(四十里至)覺隴(一百里至)宗巖(八十里至)甲乙頂(六十里至)莽嶺(又名巴木塘五十里至)空子頂(四十里至)公拉(四十里至)竹巴隴(五十里至)牛古渡(四十里至)巴塘(四十里至)黨村(四十里至)札拉(五十里至)邦喜(又名茂壩喜五十里至)龍將喜(六十

十里至)札馬(五十里至)德萊(五十里至)蓋玉(一百里至)測溪喜(四十里至)絨學(四十里至)白玉(六十里至)貢當喜(三十里至)噶拖寺(四十里至)河坡(六十里至)冷學(六十里至)杜學(六十里至)岡沱(四十里至)龔壩(三十里至)德格(三十里至)大馬洞(四十里至)擴絡梁(七十里至)色拉(七十里至)靈葱(八十里至)郎吉嶺(六十里至)登科(八十里至)新店子(八十里至)菊母(五十里至)石渠
(按)由石渠經俄洛至甘肅界。凡二十二站。計二千里。由石渠赴西寧辦事大臣處。亦二十七八站。

附成都至打箭鑪及西康至前藏拉薩後藏札什倫布路程

(一)成都至打箭鑪程站

成都(四十里至)雙流(六十里至)新津(四十里至)斜江河(六十里至)邛州(五十里至)大塘舖(五十里至)百丈驛(五十里至)名山縣(四十里至)雅州(五十里至)觀音堡(六十里至)榮經縣(六十里至)黃坭舖(四十五里至)大相嶺(十五里至)清溪縣(二十五里至)富莊(四十五里至)坭頭(三十里至)林口(二十里至)飛越嶺(十五里至)化林坪(三十里至)冷磧(四十五里至)鐵定橋(四十里至)大烹壩(三十五里至)瓦期溝(四十里至)柳楊(三十五里至)打箭鑪

(二)丹達山至前藏拉薩程站

丹達山(下山三十里至)察洛松多(五十里至)郎吉宗(四十里至)大窩(五十里至)阿蘭多(三十里至)阿蘭卡(三十里

西康壤地。雖縱橫數千里。而物產無多。礦產之蘊諸地者。富厚與否。未能預測。就目前已經發見者。則打箭鑪明正土司

(二) 西康之物產及其風俗

至) 甲貢(四十里至) 大板橋(四十里至) 多洞(七十里至) 擦楮卡(五十里至) 拉里(四十里至) 阿雜(三十里至) 錯(七十里至) 山壩(五十里至) 常多(六十里至) 寧多(四十里至) 拉松多(四十里至) 江達(五十里至) 順達(九十里至) 鹿馬嶺(一百里至) 堆達(五十里至) 烏蘇江(五十里至) 仁進里(六十里至) 墨竹工(四十里至) 拉木(五十里至) 占達塘(三十里至) 德慶(二十里至) 拉薩(即前藏) 駐藏大臣及游擊糧員暨達賴喇嘛駐此、)

(三) 前藏至後藏程站

拉薩(四十里至) 登龍岡(四十里至) 業黨(四十里至) 僵里(五十里至) 曲水(五十里至) 岡把擇(四十里至) 殺馬隴(五十里至) 白地(五十里至) 打魯(此處有小路通後藏) 捷百餘里(五十里至) 浪嘴子(五十里至) 翁古(六十里至) 熱隆(六十里至) 谷洗(六十里至) 江孜(五十里至) 仁進岡(五十里至) 巴浪(六十里至) 春推(四十里至) 札什倫布(即後藏) 班禪喇嘛駐此、有糧員守備把總、)

(按) 成都至打箭鑪。九百八十五里。丹達山至前藏拉薩。一千三百里。拉薩至後藏札什倫布。八百四十里。

所屬之地。有燈盞窩金廠。三道橋金廠。又有泰凝金廠。裏塘毛丫瞻對德格。亦均有金礦。然多屬沙金。產額微薄。此外則雜瑜有銀礦。同普有銅礦。巴塘有錫礦。或謂係鉛礦。鹽井白玉有磺礦。察木多有煤鐵礦。出產均未見豐饒。鹽井縣產鹽頗富。產區在瀾滄江之兩岸。掘井取水。晾乾成鹽。銷售邊地及雲南維西麗江一帶。番人畜牧多而耕稼少。故牛馬犬羊。氈毯酥酪。出產較夥。穀類多苡麥與豆。巴塘雜瑜等處。間或產稻。叢林蒼鬱。以松柏杉檜樅五種為大宗。合抱之材。所在皆是。藥品則有鹿茸麝香虎骨黃連蓮仁之屬。此西康物產之大略也。番人所用之歷。與華人向用之陰歷。其遇閏之年與月建之大小。時有不同。然間有元旦與華歷合者。惟三岩一區。與諸番之歷又異。彼之正月。有為華歷番歷之五六月者。番人甲子。亦以十幹十二支所屬為定。如庚戌則曰鐵狗。辛亥則曰鐵豬。餘皆倣此。其度量衡。各部各自為製造。彼此不相同。即各村落亦不一致。度量極簡略。無丈尺寸分之名。量則有斗而無升。稱之為尅。無論什百任萬。皆以尅為數。又有所謂批者。或二十批或三十批或四十批為一尅。各處不同。而稱批尅之名亦異。衡則大小不等。番稱一觔。或為漢稱十兩。或為漢稱二三觔。又有戲、名曰索拉。其衡金銀也。每以印度銀幣盧比為秤碼。番人文字。以奉行佛教。故概習藏文。繕寫由左行右。以煙為墨。削竹為筆。傳世之書籍。除佛經外。有醫卜星相等書。衣服以牛羊毛為之。紡織如布。名曰毯。喇嘛之衣尚赤或黃。餘服黑

23610 白兩色。貧者及野番無襪。則服牛羊皮。富者間服內地之綢布。西藏之氈毯。印度之呢絨。衣服形式。與內地僧人同。冠無定形。土司之冠用漢式。頭人之冠。以牛尾之白毛染紅色。紫如團扇式。厚寸許。其頂平。喇嘛之衣無袖。以紗數丈。纏於身股之間。冠係黃色。以呢絨爲之。堪布鐵棒。(僧官之名稱)冠如桃形。餘如雞冠形。此皆見官時所用。平時則或呢或氈或狐皮羊皮。作便帽加諸首而已。番人向食糌粑酥油牛羊肉而不食菜。疾病尚祈禱。以誦經禮佛符術卜筮。爲惟一之治療。間有用醫藥者。其視病取病人之溺。用木枝攪之。觀其顏色泡影。以爲診斷。遭父母之喪。哀痛迫切。與漢人同。其葬也。有天葬水葬火葬之別。昇屍於山。任鴉鳥啄食。是爲天葬。棄屍於河。是爲水葬。火焚屍體。以泥和其灰燼。埋之岩穴間。是爲火葬。死後無祭祀之禮。夫死妻得遲早改嫁。妻死而夫未滿三年卽娶者。人咸非議之。婚嫁亦有媒妁。土司不得娶所部頭人之女爲妻。娶婦時仍用衣飾。令人往迎。新婦則以帕蒙頭。乘馬至夫家。賓朋交際。以折腰張口伸舌伸掌爲敬禮。而拜鬼神及見土司呼圖克圖。則仍行跪拜。番官相見。亦有以脫帽爲禮者。其音樂八音皆備。樂器多購諸內地。惟節奏與漢人不同。歌舞亦與漢人異耳。番人無姓而有氏。每以所居地名爲氏。如德格土司孔撒土司。稱爲德格家孔撒家是也。其俗崇尚佛教。各處寺院。多至數千。少亦數百。專講佛經。不婚娶。好慈悲。信誼。重鬼神。凡人有子五人者。則以三人學佛。有子二人

者。則以一人學佛。甚至有一子而亦學佛者。因是喇嘛之多。居全丁口十分之二。農民居十分之三。婦女居十分之五。又差徭太重。惟喇嘛得免差徭。故人樂爲之。且寺院有土地可以徵糧。有資本可以生息。爲人諷經。又得厚餽。並有將家財全納於寺者。喇嘛寺既富。遂廣收徒衆。三年一次。查看人家有幼子。卽令分送寺中。康地雖有礦產。率多禁採。雖有荒地。亦不墾治。蓋謂礦乃鎮山之寶。採之則百姓不利。荒地乃神靈所居。動之則雨暘不若。刀兵興而疫癘起也。凡此皆西康風俗之大略也。

(三) 近年邊務之整理

西康地方。從前於明正土司地域內。設有打箭爐廳同知一員。巴塘裏塘察木多三處。各設糧員一員。并有副將游擊都司守備千把外委等官。率兵分戍各要塞。惟皆爲進藏驛站及轉運糧餉計。非爲地方之治理計也。前清光緒二十年以來。裏塘鄉城地方。抗殺官弁。乍丫番人。入藏圍攻領使。秦擬復以開礦故。拒斃武員。叛亂疊興。曩時所設之官吏兵弁。已覺不敷彈壓。至光緒三十一年。而巴塘之變起矣。維時駐藏幫辦大臣鳳全。由川入藏。道經巴塘。見土地之膏腴。卽招漢人開墾。番人迷信。謂神山不可動。出而阻止。鳳全不聽。於茨梨隴築墾場。委巴塘糧員暨駐巴都司兼理墾事。且鳳全衛兵習洋操。番人疑爲洋官。阻墾愈力。於是七村溝百姓。劫墾場。殺墾夫。追鳳

全回川。旋於中途擊殺之。事聞於川。川督錫良乃派提督馬維祺建昌道趙爾豐。督兵攻剿。趙駐裏塘爲後援。馬臨前敵攻巴塘。六月巴塘克復。誅兩土司。趙爾豐繼至。殺堪布喇嘛及首惡數人。馬率兵回川。趙留邊搜剿餘匪。辦理善後。清政府知邊地之岌岌可危。非設專官以資鎮攝。且於治理上徐圖設施。則內無保衛川滇。外無以應援藏務。乃於三十二年設立督辦川滇邊務大臣。即以趙爾豐充任。趙自留辦勦撫後。九月派兵勦辦倡亂之七村溝。并搜擒各處餘匪。巴塘戡定。旋即清查戶口。征收糧賦。并委員至鹽井征收鹽稅。次年以裏塘之鄉城地方。稔惡不法。率兵攻克之。並攻克稻壩貢噶嶺。七月任邊務大臣。八月將裏塘土司改流。以所部防軍五營。分紮是地。十月商准川滇兩督。分撥籌邊經費。十二月鹽井賸翁等爲亂。派兵攻克之。三十三年丁未。趙爾豐護理川督。兼辦邊務。奏設裏化縣定鄉縣巴安縣。三十四年戊申。任駐藏辦事大臣。仍兼邊務。是年奏設康安道。駐巴塘。改打箭爐廳爲康定府。設河口縣裏化廳同知稻成縣貢噶嶺縣丞巴安府三壩廳通判定鄉縣鹽井縣等官缺。因德格騷亂。十一月出關征剿。宣統元年己酉。德格肅清。改流其地。九月。改流春科高日兩土司。及靈葱土司之郎吉嶺一村。又因藏人抗阻川兵。於察木多以西。劫軍糧擄軍官。乃率邊軍馳抵察木多。護送川兵入藏。同時三十九族來歸。波密投誠。八宿請設官。又派兵驅勦賴伍齊碩搬多洛隆宗邊壩阻路之番人。並收服江卡貢覺桑昂雜瑜。二年庚戌。邊軍越丹達

山以西。直抵江達。奏請與藏人於江達劃界。設登科府德化州白玉州同普縣石渠縣等缺。並設邊北道。駐登科。改良呼圖克圖稅則。以定鄉兵變及三野番投書索戰。先後派兵勦克之。設三岩委員貢覺委員。三年辛亥二月。以巴塘屬之得榮浪藏寺數年不服。派兵攻克之。設得榮委員。並收服冷卡石。三月。趙爾豐改署川督。以傅嵩焘代理邊務。五月。設甘孜委員。檄靈葱白利倬倭東科單東魚科明正各土司繳印。改土歸流。色達及上羅科野番來投。派兵攻波密。六月。遂去瞻對藏官。收回土地。設瞻對委員。檄魚通卓斯各土司繳印改流。收哨里冷邊沈邊三土司印。奏擬改流。閏六月。魚科土司抗不交印。且結下羅科叛亂。派兵攻之。擊斃魚科土司。其百姓與下羅科投誠。七月。納奪土司繳印。八月。檄飭乍了察木多兩呼圖克圖呈驗印信。改流其地。於是西康全局底定。蓋自建設邊務大臣以來。計已六年。傅嵩焘體察邊情。知非建省不足以屏蔽西南。控制藏衛。特於辛亥閏六月具奏清廷。請以康地建設行省。名曰西康。嗣以武漢起義。清廷未及批答。遂未實行。

自設邊務大臣後。邊務之處置。除將各部落先後改流。分別設立郡縣及派理事官委員外。並設邊務收支局。關外學務局。以主持邊地之財政學務。三十三年。趙爾豐將邊地應興應革諸大端。次第奏陳。請款辦理。經部核准。撥銀一百萬兩。作爲開辦經費。(此項經費。用至辛亥。尚餘三分之一)其常川經費。則由四川接濟。計邊務大臣公費三萬兩。練兵費三十五萬兩。

23612 轉運費五萬兩。其裏塘巴塘乍丫江卡察木多等處台兵裁撤銀六萬餘兩。仍解邊應用。共計銀四十九萬餘兩。又川省奏抽油糖捐。年計銀五十餘萬兩。亦歸邊務支用。總共每年經費約銀一百萬兩。(歷年所收油糖捐、仍存成都、未經支用)邊地糧稅。亦經改定征收章程。凡改流後均照新章辦理。章程如下。(一)地分三等。上等征糧一斗二升。中地一斗。下地八升。(二)種地之人。無論喇嘛頭人百姓。一律完納。(三)如遇荒歉。分別查勘減免。如遇大荒。酌量賑濟。(四)凡從前應納馬牛羊與皮肉酥油。及有事時朝貢時所派之銀。一并裁革。(五)不准浮收分釐。(六)耕地納糧。草場納稅。(七)馬牛每頭年納稅銀八分。羊十頭年納稅銀八分。(八)每戶所養馬牛羊。除馬二頭牛十頭羊十頭免稅。(九)馬牛羊合計。不及牛十三頭者免稅。(十)馬牛羊不及二歲者免稅。(十一)宰殺倒斃者。隨時可報明免稅。(十二)馬牛羊出賣。賣者免稅。買者納稅。此章頒行後。所有差徭。一律蠲免。如用烏拉。亦照給價。革除支差名目。邊地鹽釐所入。每年約六千至九千金。茶釐則每年不及千金。番人向用金銀不用銅。前清光緒年間。通行英國銀圓。即印度盧比。每圓三錢二分。作四錢行使。因該地無劃一之權衡。銀塊輕重。多所爭執。故樂用盧比。光緒三十年。川督仿盧比形式輕重。鑄造銀圓。作三錢二分行使。繼以購買外貨。外人不肯收用。遂跌至三錢及二錢八分。其後趙爾巽規定於宣統二年起。照三錢二分本位使用。並由川鑄銅圓一千萬枚。運往邊地。與盧比

相輔而行。銀圓三錢二分。合當十銅圓四十四枚。納糧完稅。一律通行。又由打箭鑪購銅錢一千銅。運巴行用。於是邊地圓法。始與川同。此財政處置之略也。其學務。於光緒三十三年春。撥定經費。委吳嘉謨充學務總辦。就川中延聘教習。出關開辦學堂。擇番人年幼子女。教以漢語漢文。初於巴塘裏塘興辦。宣統二年。推廣於江卡乍丫察木多德格白玉等處。三年。復推廣於三岩貢覺甘孜絨壩擦登科等處。此外興革各事。如勸令百姓。凡有子嗣。不得仍以多數為喇嘛。兄弟多人。須各娶一婦。不得沿舊日共妻之俗。又於設官處所。議定百字。今民間將現在所知同宗之人。共認一字。永遠為姓。以別番人氏族。並教以葬禮。而婚禮亦為之改良。此興革之關於風化者也。邊地土地。向不買賣。近年間有私相買賣者。自趙爾巽任邊務後。屢出示嚴禁。並由內地購備五穀種子。分給民間。令兵士教以栽種。又招募農民。墾闢荒地。延日本技師提倡農業。聘美國鑛師查勘鑛產。派員開辦同普銅鑛。與辦製革廠於巴塘。派員出洋調查實業。此興革之關於生計者也。他如邊地正朔。雖歷由川省頒發曆書。而土司不識漢文。故仍沿用番曆。宣統二三年。始由邊務大臣用漢番文字。合印正朔表。頒行各地方。於是邊地正朔。乃與內地陰歷同。其度量權衡。亦由川省購備工部尺。由打箭鑪製造升斗。并購備庫平稱。發給各屬製用。從前酷刑。一律禁止。凡改流之處。土司既改漢官。頭人名稱。亦改為保正村長。又延醫購藥。就裏塘巴塘鹽井等處。為人療

病。並延痘醫。爲人種痘。於關外設旅店。於河口建銅橋。俾利交通而便行旅。此六年中邊務處置之略也。

邊地近年所設各官。有爲府廳州縣者。有爲理事官者。有爲委員者。茲分別列如下。

巴安府 原係巴塘土司地方。設有糧務委員一員。光緒三十一年改流。三十二年設巴安縣。三十四年秋。改巴安府。

鹽井縣 原係巴塘土司地方。光緒三十一年改流。三十四年秋。設鹽井縣。

三壩廳 原係巴塘土司裏塘土司交界地方。光緒三十一年改流。三十四年秋。設三壩廳通判。并分管毛丫曲登地方。

裏化廳 原係裏塘土司地方。設有糧務委員一員。光緒三十二年改流。設裏化縣。三十四年秋。改設裏化廳同知。并

分管毛丫毛茂丫曲登崇喜地方。定鄉縣 原係裏塘土司地方。名鄉城。光緒三十二年改流。設定鄉縣。

稻城縣 原係裏塘土司地方。名稻壩。光緒三十二年改流。三十四年秋。設稻成縣。

貢噶嶺縣丞 原係裏塘土司地方。三十四年秋。設貢噶嶺縣丞。歸稻城縣屬。

河貢縣 原係裏塘土司明正土司交界地方。光緒三十二年。裏塘改流。三十四年秋。設河口縣。宣統三年。規定分管

崇喜明正土司地方。

康定府 原係明正土司地方。設有打箭鑪廳同知。光緒三十四年秋。改爲康定府。宣統三年。規定管理改流明正土司魚通土司之地。

康安道 光緒三十四年秋設立。駐巴塘。兼按察司銜。管各府州縣。

登科府 原係德格土司地方。宣統元年改流。設登科府。兼發春科地方。分管高日靈慈地方。

德化州 原係德格土司地方。居德格之中心。宣統元年改流。設德化州。

石渠縣 原係德格土司地方。居德格之北。宣統元年改流。設石渠縣。分管高日地方。其地與西寧連界。

同普縣 原係德格土司地方。居德格之西。宣統元年改流。設同普縣。三年。規定分管察木多納奪地方。

白玉州 原係德格土司地方。宣統元年改流。設白玉州。邊北道 宣統元年設立。駐登科。管各府州縣。

以上爲府廳州縣。均各管地面。征收糧稅。於宣統三年春議准。

乍丫理事官 係乍丫呼圖克圖地方。宣統三年春設理事官。管理詞訟。

察木多理事官 係察木多呼圖克圖地方。原設糧務委員一員。宣統三年春。設理事官。管理詞訟。

以上爲理事官。係未改流時之稱名。

得榮委員 係巴塘土司地方。與雲南接壤。宣統三年春。設委員征收糧稅。

江卡委員 原係康地。前清賞與藏人者。宣統元年冬收回。

二年征糧。三年設委員。

貢覺委員 原係康地。前清賞與藏人者。宣統二年冬收回征

糧。三年春設委員。

桑昂委員 原係康地。前清賞與藏人者。宣統元年冬收回。

二年征糧。三年春設委員。

雜瑜委員 原係康地。前清賞與藏人者。宣統元年冬收回。

二年征糧。三年設委員。

三巖委員 係野番地。宣統二年冬投誠。三年設委員。

甘孜委員 係麻書孔撒爾土司地方。地名甘孜。宣統三年春

改流。設委員征糧。兼管白利東科土司之地。分管德格倬倭章谷土司之地。

章谷委員 係章谷土司改流地方。光緒三十年。川省委員管

理。名鍾霍屯。宣統三年夏。撥歸邊務大臣管理。改爲章

谷委員。分管倬倭上羅科地方。

道塢委員 係麻書孔撒爾土司地方。宣統三年設委員。兼發單

東魚科之地。分管明正卓斯下羅科之地。

瞻對委員 原係土司地方。前清賞與藏人者。宣統三年夏收

回設委員。

鍾定格委員 係咱里沈邊冷邊三土司地方。原設有鍾定橋巡

檢。歸打箭鑪廳屬。宣統三年改流設委員。

以上爲委員。

(未完)